

MINISTARSTVO

Predmet: Zastupnička inicijativa - 30. radna sjednice Skupštine Kantona Sarajevo

Podnosim inicijativu da Ministarstvo za odgoj i obrazovanje Kantona Sarajevo, u saradnji sa prosvjetnom inspekcijom, hitno reaguje na eskalaciju sigurnosnih problema u Sedmoj osnovnoj školi, te da se pismenim putem obaveže na preduzimanje konkretnih mjera kojima će se osigurati red i mir u učionici i zaštititi pravo učenika na mirno obrazovanje. Takođe, iniciram da Ministarstvo uputi javno izvinjenje kolektivu škole zbog neprofesionalnog načina obavještavanja o smjeni rukovodstva putem medija, prije zvanične institucionalne komunikacije.

OBRAZLOŽENJE

Povodom javnog istupa Ministarstva za odgoj i obrazovanje Kantona Sarajevo u kojem je iznesena informacija o razrješenju direktorice Sedme osnovne škole, uposlenici i roditelji su izrazili duboku zabrinutost ne samo načinom plasiranja te informacije, već i ukupnom situacijom u školi koja je rezultirala potpunim bojkotom nastave.

Kao zastupnica, podržavam stavove škole i smatram da je ovakav pristup institucija apsolutno neprihvatljiv iz sljedećih razloga:

Utvrđena je neprofesionalnost u komunikaciji. Obavještavanje kolektiva o smjeni rukovodstva putem medija, prije bilo kakve zvanične i institucionalne komunikacije, narušava dostojanstvo prosvjetnih radnika i osnovne principe međusobnog uvažavanja.

Kontinuirano zanemarivanje problema je očigledno. Na probleme ometanja nastavnog procesa i neadekvatnog ponašanja jednog od učenika u odjeljenju ukazuje se godinama. Umjesto rješenja, škola je naišla na zid šutnje i prebacivanje odgovornosti.

Resorno Ministarstvo i inspekcijski organi se javno prozivaju zbog potpunog izostanka reakcije. Proces obrazovanja se godinama odvijao pod izuzetno teškim okolnostima, a sistemski odgovor je apsolutno zakazao.

Evidentno je i uskraćeno pravo na sigurno obrazovanje. Zbog pasivnosti institucija situacija je eskalirala do te mjere da se djeca više ne osjećaju sigurno niti mogu pratiti gradivo, zbog čega je došlo do bojkota nastave. Učenici se neće vratiti u klupe dok ne dobiju pismene garancije o konkretnim mjerama kojima će se osigurati red i mir u učionici.

S obzirom na navedeno, neophodno je da nadležne institucije preuzmu odgovornost, upute izvinjenje kolektivu i hitno intervenišu kako bi se uspostavili sigurni uslovi za rad i obrazovanje učenika.

U Sarajevu , 05-05.2026 godine
Marijela Hašimbegović dia
Zastupnica